



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 03/09/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Gesondheet weiderzeleeden.

Wéi aus engem Artikel vum Paperjam vum 2ten September 2020 ervir geet, schéckt de Ministère vun der Santé am Moment Meenungsëmfroen u fréier Covid-Patienten. Des Ëmfroen anonymiséieren allerdéngs weder déi perséinlech Donnéeën vun de Befroten, wéi zum Beispill de Virnumm, d'Zesummesetzung vum Stot an den Alter, nach déi perséinlech Kommentaren, déi vireg Patienten hannerlooss hunn. Deemno kann all Mënsch, deen sech Zäit hält, un der Ufro deelzehuelen, dës Donnéeën consultéieren. Doriwwer eraus kann de Formulaire direkt e puer Mol ausgefëllt ginn. De Ministère huet weder op d'Nofroe vun de Journalisten vu Paperjam reagéiert, nach eppes um Formulaire geännert.

An deem Zesammenhang wéilt ech der Ministesch dës Froe stellen:

1. Un wéi vill Persounen ass dës Ëmfro geschéckt ginn? Wéi vill Léit hunn bis elo un dëser Ëmfro deel geholl?
2. Kann den Ministère bestätegen, dass dësen Online-Formulaire keng Donnéeën anonymiséiert an mehrfach ausfëllbar ass? Firwat ass dat esou an wéi kourz et dozou?
3. Firwat huet den Ministère net reagéiert an dat, obwuehl d'Journalisten vu Paperjam gläich e puer Kéieren op dës Problem opmierksam gemaach hunn?
4. Wéini wäert de Formulaire verbessert ginn? Gouf den CNPD informéiert?

Mat déiwem Respekt,

CLEMENT Sven
Député



www.piraten.lu



www.piraten.lu